

BOSNA I HERCEGOVINA  
FEDERACIJA BOSNE I  
HERCEGOVINE  
TUZLANSKI KANTON  
OPĆINA BANOVIĆI  
OPĆINSKI NAČELNIK



БОСНА И ХЕРЦЕГОВИНА  
ФЕДЕРАЦИЈА БОСНЕ И  
ХЕРЦЕГОВИНЕ  
ТУЗЛАНСКИ КАНТОН  
ОПЋИНА БАНОВИЋИ  
ОПЋИНСКИ НАЧЕЛНИК

Adresa: Ul. Alije Dostovića br: 1. 75290 Banovići

Tel: 00387 35 87 50 30, Fax: 00387 35 87 66 47, e-mail: [opcina.banovici@bih.net.ba](mailto:opcina.banovici@bih.net.ba), Web: [www.opcina-banovici.com.ba](http://www.opcina-banovici.com.ba)

Broj: 01-05-380/16- 5

Datum: 23.03.2016. godine

Na osnovu člana 64. stav 1. tačka b. a u vezi sa članom. 89., člana 70. stavovi 1., 3. i 6. Zakona o javnim nabavkama (Službeni glasnik BiH broj 39/14), člana 70. Zakona o organizaciji organa uprave u Federaciji Bosne i Hercegovine („Službene novine FBiH, broj 35/05 ) člana 15. Zakona o principima lokalne samouprave u Federaciji Bosne i Hercegovine („ Službene novine FBiH“ broj 49/06) člana 42. Statuta Općine Banovići ( Službeni glasnik općine Banovići broj 3/08) i Preporuke Komisije za javnu nabavku, broj: 01-05-380/16-4 od 22.03.2016. godine u postupku javne nabavke robe „Nabavka sa montažom kancelarijskog namještaja za potrebe općinskog organa državne službe općine Banovići“ Općinski načelnik donosi

## ODLUKU O IZBORU NAJPOVOLJNIJEG PONUĐAČA

### Član 1.

Prihvata se Preporuka Komisije za javnu nabavke broj: 01-05-380/16- 4 od 22.03.2016. godine i Ugovor za javnu nabavku robe „Nabavka sa montažom kancelarijskog namještaja za potrebe općinskog organa državne službe općine Banovići“ dodjeljuje ponuđaču "HafeleBH" d.o.o. Gračanica, sa sjedištem u Miričina bb, 75329 Gračanica, ponuda 02-111/16 od 14.03.2016.godine za ponudenu cijenu od 10.037,70 KM sa uračunatim popustom od 10%, bez PDV-a, kao najbolje ocijenjenom ponuđaču.

### Član 2.

Prijedlog Ugovora o nabavci roba dostavit će se na potpis izabranom ponuđaču "HafeleBH" d.o.o. Gračanica, sa sjedištem u Miričina bb, 75329 Gračanica, po proteku roka od 15 dana, računajući od dana od kada su svi ponuđači obaviješteni o izboru najpovoljnije ponude.

### Član 3.

Ova Odluka stupa na snagu danom donošenja i objavit će se na internet stranici [www.opcina-banovici.com.ba](http://www.opcina-banovici.com.ba) istovremeno s njenim upućivanjem svim ponuđačima koji su učestvovali u postupku javne nabavke, u skladu sa članom 71. stav 6. Zakona o javnim nabavkama ( Službeni glasnik Bosne i Hercegovine, broj 39/14).

## o b r a z l o ž e n j e

Odlukom o pokretanju postupka javne nabavke roba broj: 01-05-380/16 od 02.03.2016. godine donesenom od strane ovog organa pokrenut je postupak javne nabavke robe „Nabavka sa montažom kancelarijskog namještaja za potrebe općinskog organa državne službe općine Banovići“. Predmetna javna nabavka predviđena je Planom javnih nabavki općine Banovići za 2016. godinu, broj 01-05-1681/15 od 28.12.2015. godine evidencijski broj 16/16.

Javna nabavka roba sprovedena je konkurentskim zahtjevom za dostavu ponuda.

Procijenjena vrijednost javne nabavke bez PDV-a je 15.000,00 KM.

Obavještenje o nabavci broj 1220-7-1-33-3-10/16 od 04.03.2016. godine, objavljeno je na Portalu javnih nabavki dana 04.03.2016. godine.

Zahtjev za dostavu ponuda je prosljeđen sljedećim ponuđačima (istovremeno sa slanjem obavijesti na Portal javnih nabavki):

- Ponuđaču "IVEREX KOMERC" d.o.o. Živinice, sa sjedištem u ulici Novi Grad bb, 75270 Živinice

-Ponuđaču "RH SALONI" d.o.o. Živinice, sa sjedištem u ulici Magistralni put bb, 75270 Živinice

-Ponuđaču "KONJUH" d.d. Živinice, sa sjedištem u ulici Prva Ulica br.57, 75270 Živinice

Komisija za javne nabavke imenovana rješenjem broj: 01-05-91/16 od 18.01.2016. godine, ovom organu dostavila je dana 22.03.2016. godine, Zapisnik o ocjeni ponuda broj: 01-05-380/16-3 od 22.03.2016. godine i Preporuku o izboru najpovoljnijeg ponuđača broj: 01-05-380/16-4 od 22.03.2016. godine u postupku javne nabavke robe „Nabavka sa montažom kancelarijskog namještaja za potrebe općinskog organa državne službe općine Banovići“.

U postupku je utvrđeno da je Komisija za javnu nabavku blagovremeno i pravilno izvršila otvaranje ponuda i ocjenu prispijelih ponuda, o čemu je sačinila odgovarajuće zapisnike, u kojima je utvrđeno slijedeće:

- da je ukupan broj pristiglih ponuda 9 (devet),

- da je zaprimljena 7 (sedam) blagovremenih ponuda,

- da su zaprimljene 2 (dvije) neblagovremene ponude,

- da je 6 (šest) ponuda ocijenjeno kao prihvatljive i to ponude slijedećih ponuđača:

1. "R&S" d.o.o. Sarajevo, sa sjedištem u ulici Igmanska bb, 71320 Vogošća, ( datum predaje ponude 15.03.2016. godine; vrijeme predaje ponude 10:55 h),
2. "INTER-COM" d.o.o. Zenica, sa sjedištem u ulici Vrandučka 71b, 72000 Zenica ( datum predaje ponude 16.03.2016. godine; vrijeme predaje ponude 09:30 h),
3. "HafeleBH" d.o.o. Gračanica, sa sjedištem u Miričina bb, 75329 Gračanica ( datum predaje ponude 16.03.2016. godine; vrijeme predaje ponude 10:37 h),
4. "PRO-ART" d.o.o. Zenica, sa sjedištem u ulici Zmaja od Bosne bb, 72000 Zenica ( datum predaje ponude 17.03.2016. godine; vrijeme predaje ponude 09:40 h),
5. "KRISTAL" d.o.o. Živinice, sa sjedištem u ulici Magistralni put bb, 75270 Živinice ( datum predaje ponude 17.03.2016. godine; vrijeme predaje ponude 09:00 h),
6. "KRANING" d.o.o. Puračić, sa sjedištem u ulici Sarajevska bb, 75305 Puračić ( datum predaje ponude 17.03.2016. godine; vrijeme predaje ponude 10:00 h),

- da je 1 (jedna) ponuda odbačena kao neprihvatljive i to ponuda ponuđača

1. "IVEREX KOMERC" d.o.o. Živinice- Ponuda 17/3/2016 od 15.03.2016. godine nije izrađena na način propisan tenderskom dokumentacijom, odnosno ponuda ne sadrži original i kopiju ponude kako je to predviđeno TD. Ponuđač je dostavio samo kopiju Obrazca za cijenu ponude-robe (Aneks 3) i to uvezanu zajedno sa originalom ponude.

Ponuđač uz ponudu nije dostavio relevantan dokaz obavljanja profesionalne djelatnosti kako je traženo TD. Dostavljeni dokaz je Rješenje o registraciji datirano od 14.06.2011. godine i Potvrda o izmjenama u sudskom registru što nije u skladu sa zahtjevima postavljenim u TD.

Ponudač "IVEREX KOMERC" d.o.o. Živinice je dostavio Izjavu o prihvatanju opštih i posebnih uslova iz tenderske dokumentacije koji nije ispunjen na način kako je to propisano TD. Na mjestu gdje treba čitko upisati ime i prezime ovlaštene osobe privrednog subjekta potpisana je osoba koja je ovlaštena da predstavlja privredni subjekt, a na mjestu gdje treba Vlastoručni potpis ovlaštene osobe privrednog subjekta potpisao se direktor.

U postupku donošenja ove odluke, posebno su cijenjene činjenice da je Komisija, pravilno i potpuno, izvršila ocjenu kvalificiranosti ponuđača te ocjenu prispjelih ponuda, shodno kriterijima iz Tenderske dokumentacije.

U postupku ocjene provedenog postupka, ovaj organ nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nabavku.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama podzakonskim aktima, internim aktima i Tenderskim dokumentom.

Uvidom u priloženu dokumentaciju, nesporno je da je izabrani ponuđač "HafeleBH" d.o.o. Gračanica, najbolje ocijenjen primjenjujući kriterijum najniža cijena, koja je ponuđena u ukupnom iznosu od 10.037,70 KM sa uračunatim popustom od 10%, bez PDV-a, dok su ostali ponuđači čije su ponude ocijenjene kao prihvatljive ponudili slijedeće ukupne cijene bez PDV-a:

2.	2. "INTER-COM" d.o.o. Zenica	11.139,00 KM
3.	5. "PRO-ART" d.o.o. Zenica	11.558,00 KM
4.	1. "R&S" d.o.o. Sarajevo	11.643,50 KM
5.	7. "KRANING" d.o.o. Puračić	13.960,00 KM
6.	6. "KRISTAL" d.o.o. Živinice	13.383,81 KM

čime je utvrđen i njihov sukcesivni red.

Ponuđač: "KRANING" d.o.o. Puračić je dostavio izjavu da njegova ponuda uživa pravo na preferencijalni tretman domaće ponude u smislu Odluke o obaveznoj primjeni preferencijalnog tretmana domaćeg (Službeni glasnik BiH broj 103/14).

Obzirom da se radi o javnoj nabavci robe TD je predviđeno da ponuđači koji ispunjavaju uslove za primjenu preferencijalnog tretmana domaćeg mogu uz ponudu dostaviti potvrdu o porijeklu robe/proizvoda izdatu od Vanjskotrgovinske komore BiH. Obzirom da je ponuđač istu i dostavio, dostavljena izjava se može smatrati relevantnim dokazom za obaveznu primjenu preferencijalnog tretmana domaćeg, te se ista tretirati kao dokaz o obaveznoj primjeni preferencijalnog tretmana domaćeg.

Iz navedenih razloga, primjenom člana 64. stav 1. tačka b. a u vezi sa članom 89. Zakona o javnim nabavkama, odlučeno je kao u članu 1. ove Odluke.

#### **POUKA O PRAVNOM LIJEKU:**

Protiv ove Odluke dopuštena je žalba. Žalba se izjavljuje Uredu za razmatranje žalbi putem ugovornog organa u roku od 5 dana od dana prijema Odluke. Žalba se dostavlja u tri istovjetna primjerka u pisanoj formi direktno ili preporučenom poštanskom pošiljkom na adresu Općina Banovići, ulica Alije Dostovića br. 1. 75290 Banovići.

#### **DOSTAVITI:**

- 1x Svim ponuđačima
- koji su učestvovali u postupku JN
- 1x U spis
- 1x a/a

  
**OPĆINSKI NAČELNIK**  
**Midhat Husić**